



# Գուրգեն Մահարի

## Բալլադ Չալոյի և առաջին սիրո մասին

1

Չալոն իմ շո'ւնն էր, չալ-չալ աչքո'ւն էր,  
Չալոն չքնաղ էր, պայծա'ն Չալո.  
Ընկնում էր ոտիս, աչքը փակում էր,  
Ծածկվում էր տատիս հին շալով:

Ես հանում էի մեր հին գգրոցից  
Գույնգգույն լաթեր ու սրմա,  
Չարդարում էի պոչից մինչև վիզ  
Ու տանում դաշտերը նրան:

Չալոն քայլում էր պշրուիու նման,  
Սլվլուն պոչը բռնած ցից,  
Քսվում էր ոտիս, մոռում էր մոայլ,  
Մոռում էր հպարտ, հաճույքից:

Տուն էի բերում մութ փողոցներով,  
Շների աչքերից անտես.  
Դանդաղ իջնում էր կապույտ երեկոն  
Ու ծածկում սար ու դաշտեր:

2

Չալոն իմ շո'ւնն էր, չալ-չալ աչքո'ւն էր,  
Չալոն չքնաղ էր, պայծա'ն Չալո,

Ընկնում էր ոտիս, աչքը փակում էր,—  
Բայց բանը վերջացավ չարով:

Գաղթի մութ ճամբին կորավ իմ շունը,  
Ո՞վ գիտե՛՜ր ո՞ր ձին կոխտեց...  
Շուրջը մեռնում էր վերջին աշունը,  
Չմնաց ինձ ո՛չ մի ընկեր...

3  
Մի աղջիկ եղավ իմ երկրորդ սերը,  
Խաժ աչքով աշխուժ մի աղջիկ,  
Ոսկեգույն էին նրա մազերը  
Ու բուրում էին դարչին:

Մի օր միասին գնացինք այգի, .  
Հուլիսյան գիշերն էր նագում.  
Նա չալ-չալ շորեր ուներ իր հագին,  
Իսկ այգում՝ խաղողն էր հասնում:

Նստեցինք մենք թավ որթատունկի տակ,  
Նա դրեց գլուխը ծնկիս,  
Ես շոյում էի նրա վիզը տաք  
Ու նայում մշուշված դեմքին:

Օ, սե՛ր իմ, սե՛ր իմ...— ինձ հատել էին  
Բիբերը նրա սլարուն.—  
Չալո՛ն է նայում նրա աչքերից,  
Չալոն է տխուր նայում:

Անհուշ նագում են որթատունկերը,  
Իսկ հետո անձրևն է խշշում.  
Քեզ չեն մոռացել, կորած ընկերքս,  
Քեզ չեն մոռացել, իմ շո՛ւն...  
.....

Օրերի հեռվում նրա հաջոցը  
Հնչում է կարծես լալով...

Չալոն իմ շունն էր, չալ-չալ աչքո՛ւն էր,  
Չալոն չքնաղ էր, պայծա՛ր Չալո...